

Heilbrigðisráðuneytið
Skógarhlíð 6
Reykjavík

hrn@hrn.is



Reykjavík, 9. febrúar 2021

Efni: Tillaga til þingsályktunar um stofnun landsráðs um mönnun og menntun í heilbrigðisþjónustu – umsögn

Tillaga til þingsályktunar um þetta mál hefur verið birt á samráðsgátt stjórnvalda. Samtök heilbrigðisfyrirtækja hafa tekið tillöguna til athugunar og vilja í framhaldi af því koma eftirfarandi á framfæri.

Tillagan gerir ráð fyrir að sett verði á laggirnar þverfaglegt landsráð um mönnun og menntun í heilbrigðisþjónustu og er ráðinu ætlað að verða samráðsvettvangur eftirtalinna aðila, þ.e. heilbrigðisstofnanna, sveitarfélaga, menntastofnanna, embættis landlæknis og fulltrúa heilbrigðisráðuneytis og mennta- og menningarmálaráðuneytis. Ráðinu er síðan ætlað að vera ráðherra ráðgefandi um mönnun heilbrigðisþjónustunnar og menntun heilbrigðisstétta. Samkvæmt þessu er um tæmandi talningu að ræða og því ekki gert ráð fyrir aðkomu annarra ráðinu en þeirra sem hér eru taldir upp.

Innan Samtaka heilbrigðisfyrirtækja eru nær öll þau fyrirtæki lækna sem sinna sérfræðiþjónustu á grundvelli samninga við Sjúkratryggingar Íslands. Meðal þessa hóps hefur safnast upp gríðarleg sérþekking á ýmsum sviðum heilbrigðisþjónustunnar, enda sinna sérfræðilæknar rúmlega 500 þúsund læknamóttökum, eða þriðjungi þeirra læknamóttaka sem eiga sér stað hér á landi á hverju ári.

Í greinargerð með þingsályktunartillögunni er mikil áhersla lögð á að hér sé verið að setja á fót þverfaglegt ráð sem eigi að vera ráðherra til ráðgjafar á sviði mönnunar og menntunar innan heilbrigðisþjónustunnar. Tilgangurinn er væntanlega að tryggja allir þeir sem hafa lykilhlutverki að gegna innan heilbrigðisþjónustunnar eigi aðild að ráðinu. Í þessu ljósi og þeirrar yfirgripsmiklu þekkingar og reynslu sem er að finna innan þeirra fyrirtækja sem mynda Samtök heilbrigðisfyrirtækja leggja samtökin hér með til að fulltrúi þeirra verði einn þeirra sem mynda munu landsráð um mönnun og menntun í heilbrigðisþjónustu. Vandséð er hvernig hið væntanlega ráð geti staðið undir nafni, nema sá mikilvægi hlekkur í heilbrigðisþjónustunni sem sérfræðiþjónustan er, eigi fulltrúa sinn við það borð.

Virðingarfyllst,
f.h. Samtaka heilbrigðisfyrirtækja

Dagný Jónsdóttir, formaður